

جريدة محاکمه

نومرو شعبان سنه ۱۲۹۰ ۲۸ ۶۷
 بازار ايرتسی ۸ تشرین اول رومی سنه ۱۲۸۹ ۳۶۱ صحیفه

اشبوغزته بهر هفته بازار ايرتسی کوناری چیقار . سنه لکی بر عثمانلی یوزلاک التوننه و بهر نسخه سی
 شمدیلک ایکشیر غروشه اوله رق هر یرده صاتیلور . سنه لکنه مشتری اولق استیانیلر
 مکتب صنایع مدیر لکنه مراجعت اتمیلدر

و قبوله شایان کور یله میوب حین محاکمه ده
 دفترلی اولمدیغنی بیان و درجه ثانیه ده ابراز
 ایتدیکنه باقلنجیه اخر منتظم دفترلی اولمسی
 طبعی ایدوکنندن و بو دفتر میدان چیقارلدیغنی
 حالده ایش ظاهر اوله جفندن بو بایده تکلیف
 اولنان یمن دخی لزومسز یمن دکل ایکن اشبو
 یعنی تکلیفه موکله سنک صلاحیتی اولمدیغنه
 دیون استینافک قرار ویرمسی کدک اصول
 و نظامنه موافق بولمدیغنی درنجیسی تکلیف اولنان
 یمنلر صدک خارجنده مادهلر اوزرینه اولمیوب
 چونکه بروی بازرکانه سکر یوز بو قدر ایرا ایل
 الی بو قدر بیک غروش ویردیکنه یورغاکی یمن
 ایتدیکی حالده مبالغ مزبوره یی پروپی بازرکانه
 ویرمیدیکی و سکسان اوج تاریخنندن برو
 طوغریدن طوغری یه موکله سیله معامله ده بولمادیغنی
 ثابت اوله رق اره دن پروپی بازرکان چیق جفندن
 و عتیق سندر کندوسنده اولمدیغنه یمن ایتز
 ایسه سندات مزبوره کندوسنده اولدیغنی
 اکلاشیله جفندن و اخر دفترلی اولمدیغنه یمن

تمیز حقوق داره سنندن ویریلان اعلام
 صورتک ما بعدیدر

براعلمسی داین اصرار ایله اعاده ایتامسی محال
 اولمدیغنی و حتی شو صورت مراجعه نظامنامه سنک
 وضعندنبرو عادت حکمنده بولمادیغنی حالده
 موکله سنک یمن واسطه سیله سند عتیقلرینی
 ظاهره بالاخراج اثبات مدعا ایتک افکارنده
 بولمادیغنی دیوان استینافک نظر دفته المیوب
 و سند عتیقک داین نزدنده قالمشنی محال
 راده سننده کوستروب بو بایده اولان یمنیه ده
 لزومسز دیمسی مغار اصول و نظام اولدیغنی
 اوچنجیسی یورغاکی تجاردن اولوب کندوسیه
 معامله سی اولنلرک بر نوع امانتکاری ایدوکنه
 و بوجه تله قانوننامه تجارتک اوچنجی ماده سیله
 مواد متعاقبه سی موجبجه صورت منتظمه ده دفتر
 طومغه و لدی الحاجه کندوسیه معامله سی ارناز
 دفترلینک قیودینه اعتماد ایدوبده ابرازینی طلب
 ایدرلر و محکمه جه ده تنسیب اولنور ایسه ابراز ایلکه
 مجبور بولمادیغنه و ابراز ایتدیکی دفتر ایسه منتظم

ایندیکی تقدیرده کندوسنک بشقه دفتری اولمق لازم کله جکی مثللو بر تاجر دفتری اولوبده ابراز اتمک استمدیکی حالده قانوننامه تجارت شرحنک اون التجی مادهسی موجبیه سوء نیتی و بوتقدیرده افاده سنک عدم صحی تحقق و موکله سنک صدق افادهسی تین ایده جکندن شواحواله کوره دیوان استینافک ذهابی کبی یمینک لزومسز مواد اوزرینه تکلیف اولمدیغی بشجیسی دیوان استیناف اعلامنده مراجحه نظامنامه سنک اوچجی مادهسی فاحش فائض خصوصیه منحصر اولدیغی جهته مجرد فاحش فائض المدیغنه یمین تکلیف اولمقی لازم کله جکی بیان اولمش ایسهده ماده مذکورهده یمین حقده کوسریلان صلاحیت صورت مطلقهده بولندیغی التجیسی اصول محاکمه نظامنامه سنک اونوز التجی ماده سنده طرفیه وریلان یمین صلاحیتی مقید اولوب مطلق بولمسیله دعوایه متعلق اولان وخصوصیه طرفیندن برینک دفع دعوی ضمنده ایراد ایده جکی جوابلرینک صحتی تصدیق ایچون تکلیف اولوبده قبول واجرا ایلدیکی حالده طالب تحلیفک محکوم اولمسینی انتاج ایدن یمینلرک ردی عادتاً ماده قانونیه نک حکمنی اخلال دیمک اوله جغندن اشبو مادهیه دخی دیوان استیناف اعلامنده یا ککش معنی ویرلدیکی خصوصلریدر مدعی علیه قسطندی یورغاکینک غره ربیع الاول سنه ۲۹۰ تاریخی لایحه سنده دخی خانم مومی الیها مملکتین قیو کخداغنک تقریری اوزرینه خارجیه کتابته دعوت اولنهرق اورایه کتدیکنده کندوسندن ادعا اولسان مبلغی دین صحیحی اولنی اوزره قبول واعتراف ایلش واولباده کتابت مومی الیهایه برقطعه سند رسمی ویرلش اولمسیله ارتق مؤخرأ مبالغ مرقومک مقدار وجنسی وپروپی بازرکانه ویاخود شخص اخره ویرلدیکی

تجار اولدیغندن بالطبع منتظم دفتری اولمیه جغنی افاده وحسن فهمی افندی دخی دیگر طرف بویولده یمینه صلاحیت اولدیغنی بیان ایتکده ایسهده دیوان استینافی پوشکایتی استماع ایلدکن صکره یمین تکلیفنه حقلمری اولدیغنه قرار ویردیکندن و بوقراری دیگر طرفک تمیز ایتدیرمادی قبول ایتدیکنی اثبات ایده جکندن بونک شمدی موضوع بحث اولمیه جغنی وایکنجی مجلسده خصمی ابتدا هیچ دفتری اولدیغنی بیان ایلدیکی حالده مذکور غیر منتظم دفتری صکره دن میدانه چیقاردیغنی بیان و حکایه ایلدیلر طرفین وکیللری ۱۴ ربیع الاخر سنه ۹۰ تاریخنده جلب الیه اعتراض وجواب لایحه سزی عیناً بعدالقرائه صورت ادعا و افاده لری سؤال اولندقه مدعیه وکیل حسن فهمی افندی لایحه اعتراضیه سنده محرر اولدیغی اوزره موکله سنک قیو جی یورغاکیه تکلیف ایلدیکی یمین صد خارچنده اولوب چونکه عتیق سنندزک یورغاک نزدیکه قالمسی محال اولدیغنی کبی بوسندزک نزدیکه قالمدیغنه و بشقه دفتری اولدیغنه و پروپی بازرکانه سکر یوز شوقدر لیرا الیه الی شوقدر بیک غروش متالک اچره ویردیکنه یمین ایده مز ایسه سنندزک کندو نزدیکه اولدیغنی و بشقه دفتری بولندیغنی حالده میدانه چیقاره دیغنی واوله پروپی بازرکانه مذکور المقدار مبالغی ویرمدیکی ظاهره چیقارق شو مواد الیه پروپی بازرکان اره دن چیقوب مباداتده کی دین سننده مرقم مبالغ میانده فاحش فائض اولدیغنی اکلاشیله جغندن مواد مذکورهیه صد خارچنده دنیلیمیه جکی و دیوان استینافک قراری وجهله یورغاک مارالذکر سند بدلی میسانده کندوسنجیه اولان معاملاتدن طولانی فاحش فائض اولدیغنه یمین ایده جک اولور ایسه بویمینک یورغاک عننده

برصورتله مؤل اولق احتمالی بولندیغنی ویدی بیک شوقدر غروش تسلیم حقده کی یمین تکلیفنه محل اولدیغنی ذاتاً درجه اولی جه قرار تحتنه انمش و شو جهته دیوان استینافده تعرض اولنماش اولدیغندن بونک شکمه تمیزده موضوع بحث ایلدنه حق صلاحیت اولدیغنی بالبیان لایحه اعتراضیه سی منطوقیه دیوان استینافی قرارینک نقضی لازم کله جکی ادعا ایلدی مدعی علیه وکیل پول بلکنجی دخی جوابنده مواد مذکوره صد خارچنده اولهرق موکله مومی الیهانک قانوناً یالکز مذکور سند بدلی میسانده فاحش فائض اولدیغنه یمین تکلیف ایتکده حق اوله بیله جکی ومع مافیه موکله مومی الیه سند مذکور بدلتک دینی اولدیغنی بالتصدیق صورت رسمیهده خارجه کتابته بر سند ویردیکنی و درجه اولیه موکلی یمیندن استنکاف ایتوب ن یمین تکلیفنه نظاماً صلاحیتی اولدیغنی اتمان اولمش ایکن درجه اولی اعلامنک خلاف واقع اولهرق محرر بولندیغنی سوبلدی بونک اوزرینه کوریلان لزومه مبنی درجه اولی اعلامنک اساسی اولان ضبط دعوی ورقه لریله منازع فیه اولان غره رمضان سنه ۸۶ و ۱۵ صفر سنه ۸۷ تاریخلو سنندل تجارت نظارت جلیله سنندن کتوردیلهرق قرائت و مطالعه اولندقدنصکره طرفین دعوت اولندقه مستدعیه وکیل حسن فهمی افندی لایحه قیو جی یورغاک و موسیوروطه والانی ۱۲ جمادی الاخر سنه ۹۰ تاریخنده داریه کلیدیلر وقیو جی یورغاک ابراز ایلدیکی برقطعه سند مصدق موجبیه طرفیندن موسیو الانی توکیل ایلدیکنی و موسیو روطه یی وکالت و معلومات سابقه سی جهته موسیو الانی الیه برلکده بولمقی اوزره داریه کتوردیلکنی بیان ایتدی و دیوان استینافک قرارنامه سی الیه لایحه مز

ونظارت مشارالیهان کتوردیلان مارالذکر
سندز مواجهه زنده قرائت اولندقدنصکره صورت
ادعا وافاده زنی تکرار سؤال اولندقدن حسن
فهمی افندی لایحه سی مندرجاتی خلاصه تکرار
وموسیو الانی دخی جوابنده موکله مومی الیه
شوقدل خانمک موکلی یورغاک یه دیوان استینافک
قراری وجهله مبالغ مدعا بها میاننده یالکز
کندوسنجه اولان معاملاتن طولای فاحش
فائض اولدیغی ماده سندن غیری صورت اوزرینه
قانوناً عین تکلیفه حق وصلاحیتی اولهمیه جغی
وخارجیه کتابته اعطا ایلدیکی سندله دینی
قبول واعتراف ایتش ووکا زوجی محمد پاشا
حضرتلری دخی کفالت ایلش اولدیغی افاده
وتذکار ایلدی

الحجاب کفیت دائره جبه لدی المذاکره تفصیلات
مسروده دن منظم اولدیغی اوزره مستدعی تمیز
شوقدل خانمک وکیل حسن فهمی افندیکی
لایحه سنده بیان ومؤخرأ دائره تکریر واتیان
ایلدیکی التی بند اعتراضاتن برنجی وایکنجی
و اوچنجی و دردنچیسک خلاصه سی موکله سی
طوغریدن طوغری یه یورغاکیدن استقراض
ایلدیکی و یورغاک دخی پروپی بازرکانه موکله سنک
بورجی بعدالاداسند الیغی افاده ایلکده اولسنه
کوره بو باده عین تکلیفی دیوان استینافک
مطالعه سی کبی لزومسز و معناسز اولمیه جغی
وسندات عتیقه نک مهرزی شوق ایلدکدن صکره داین
یورغاک نزدنده قالمسی محال اولدیغی و یورغاک
تاجر اوله رق بر موجب قانون منتظم دفتر طومغه
مجبور و مرقومک محکمه ابراز اولانان غیرمنتظم
دفترندن بشقه منتظم دفتری اولسی ملحوظ بولندیغی
و یورغاک سندات عتیقه نک نزدنده اولدیغی
و بشقه دفتری بولندیغی و پروپی بازرکانه

افاده سی وجهله مذکور القدار مبالغی ویردیکنه
عین ایتزایسه کذب و موکله مومی الیهانک صدق
مدعای ظاهر اوله جغی قضیه زنی بولنش وکیل
مومی الیه حسن فهمی افندی اثنای محاکمه ده یورغاک
دیوان استینافک قراری وجهله عین ایده جک
اولور ایسه بومینک یورغاک عندنده بر صورتله
مسؤل اولق احتمالی بولندیغی دخی علاوه مقال ایلش
اولوب انحق منازع فیه اولان دین سندن صکره
شوق دل خانم خارجیه کتابته سند مذکورک
تضمن ایتدیکی دینی تأجیل ایله برابر ختام وعده
تقاسیطده سند بدلی اولان دین مذکور تأدییه و تمامش
بولور ایسه طرفنه قطعاً مراجعت اولقسزین مجرهرات
مرهونه نک بلزاید فروختیله ائمانندن تسویه
دین قلمق اوزره کتابت مومی الیه یه صورت
رسمیه ده بشقه جبه برسد اعطا ایتش وشو صورتله
دن مذکورینی تمایله اعتراف و قبول ایلش اولسنه
نظراً بوماده ده عین تکلیفه محل قالمش اولغله
برابر مادامکه دیوان استینافده قیومجی یورغاکینک
مراجعه نظامنامه سنک اوچنجی ماده سی موجب
یالکز یوز یتش بوقدر بیک غروشلق سندده مرقم
مبالغدن کندوسنجه اولان معاملاتن طولای فاحش
فائض اولدیغی عین ایتسی اقتضا ایده جکنه قرار
و برلش و مرقوم یورغاک دخی اول صورتله
عین تکلیفی قبول ایلشدر ارتق مرقومک بر موجب
قراری عین ایتسی لازمه دن اولوب چونکه یورغاکینک
نزدنده سندات عتیقه قالمدیغی و محکمه ابراز
ایتدیکی دفترندن بشقه منتظم دفتری بولندیغی
و افاده سی کبی سکر یوز شو قدر لیرا ایله الی
شوقدر بیک غروش متالک اچمی پروپی بازرکانه
ویردیکنه دائر شوق دل خانمک یورغاک یه عین
تکلیف ایلسی فاحش فائض اثبات مقصدینه
منحصر وشو مقصدک ذاتاً مراجعه نظامنامه سنک
اوچنجی ماده سی و دیوان استینافک قرارنامه سی

موجه سی عین تکلیفه حاصل اوله جغی بدیهی
و ظاهر بولندیغندن و صلاحیت قانونیه نک عدم
وجودندن قطع النظر وجوه مذکوره اوزرینه عین
تکلیفی لزومسز بولندیغی درکار وفائض نظامی
یوزده بره مقصور اولوب بونی متجاوز اوله رق
قغی نام ایله اولور ایسه اولسون اله جق شی فاحش
فائض حکمنده اوله جغندن یورغاک دیوان
استینافک قرار نامه سی منظوقجه عین ایلجه جک
اولور ایسه شو عینک مرقومک عندنده بر صورتله
مسؤل اولق احتمالی ادعا بیوجه وناجادر بشی
التجی اعتراضک فذلکله سی دخی مراجعه نظامنامه سنک
اوچنجی ماده سنده کی عین تکلیفی فاحش فائض
خصوصیه منحصر اولوب صورت مطلقه ده بولندیغی
واصول محاکمه نظامنامه سنک اوتوزالتجی ماده سی
موجبیه طرفنه اعطا اولنان عین تکلیفی صلاحیتی
بر قید ایله غیر مقید ایکن طرفیندن برینک دفع
دعواسی ضمننده ایراد ایده جکی جوابلرک صحتی
تصدیق ایچون تکلیف ایلجه جکی عینلرک رد اولنسی
ماده مذکوره حکمنی اخلال دیمک اوله جغی
کیفیاتیر حالبوکه مراجعه نظامنامه سنک اوچنجی
ماده سنده حد نظامیسندن زیاده گذشته نک
مقداری دن سندنده مصرح اولیه رق رأس المال
ضم اولنش اولدیغی عندالمحا که ثابت اولور
ایسه اولخالده ماده ایه نک احکامنه توفیقاً معامله
ایدیله جکدر دیو محرر و مسطور اوله رق اشبو ماده
نظامیه موجبیه یالکز گذشته نک رأس المال
ضم اولدیغی حقدنه داینه عین تکلیفی تحت قیده
النش ایدوکندن بونک خارجنده وکیل مومی الیه
حسن فهمی افندیکی ادعای وجهله مرقوم
یورغاک یه عین ایتدیسی ماده مذکوره یه مخالف
اولدیغی و اساس ادعای اثبات ضمننده مذکور
اوچنجی ماده موجبیه عین تکلیف اولندقدن صکره
برده اصول محاکمه نظامنامه سنک اوتوزالتجی

حکومت ایله شخص بینده اولان دعوانک
رؤیانه مأمور اولان محکمه ابتداییه دن فی
۱۹ محرم سنه ۹۰ و فی ۶ مارت سنه
۸۹ تاریخلی و بر نومرولی تنظیم اولنان
اعلامک صورتیدر

مدلولوجزیره سیله ایواجق قضاسنک سکان التی
ویدی سنه زنی ملتزمی لیغورماندره افندی
و میخائل جاجر طرفلرندن حاصلاتک آفترده
اولدیغندن بختله خزینة جلیله علیه اقامه ایتش
اولدقلمی ضرر و زیان دعواسنه دائر اولوب
محاکات دائره سندن اوراق مدوره میاننده محکمه
ابتداییه حواله اولنان عرضحالر ایله اوراق سائر
مطالعه اولندی

مذکور عرضحالرک خلاصه مألری مدلولوجزیره سیله
ایواجق قضاسنک سکان التی ویدی سنه زنی
زیتون اعشاری تحملندن زیاده بدل ایل
عهده زنده تقرر ایتدیکی کبی بالقاندره ظهور
ایدن حریقده ائشاریله برابر کلیتو زیتون
اشجارینک محترق اولدیغی و محال سائرده دخی
شدت حرارتدن و کرک دانهزه بر نوع بوجک
و قوش عارض اولمسندن ناشی محصولاتک

امثالنه نسبتله ثلثه بيله دسترس اولنه مدینه بیانیله التزامات حقنده اولان احکام نظامیه توفیقاً بو یوزدن دوچار اولدقلری ضررک بدلدن تزیلی استدعاسندن عبارتدر

اوراق مجبوره دن شورای دولت قراریه جزایر بحر سفید ولایتنه تسطیر اولنان امر نامه سامی مفادی زیتون اشجاری اکثریا بر سنه محصول ووروب ایرتسی سنه از ویردیکی و بوکا مینی زیتون اعشاری ایکی سنه لک اوله رق احاله و ازام قلنه کلیدی جهته ادا اولنان ضرر محصول سنه سنه ایه مسموع اولماق لازم کله جکندن بوافتک حقت وقوعیه قنغی سنه اصابت ایتدیکنک اشعارینی امر اولوب ولایت مشار الیهانک تحریرات جوابیه سیله محلی مجلسی مضبوطه سنک ملفوف صورتده دخی پره و قالونه ناحیه سی قرازدن اپار شکوه و ذافیراوستوبلی و مساعره قریه زنده ظهیر ایدن حریقده اوزرنده محصولی اولدینی حالده محترق اولان اشجار حاصلاتندن ملترمنه عائد اوله جق عشر اوج بیک غروشدن عبارت بولنش و دانه زه عارض اولان قورد دانه لری چوروده رک حین تعصیرنده سنن سابقه ده اون یدین یکریمی بش دستی به قدر روغن حاصل اولان بر موط دانه دن اون ایکدن اون یدی دستی یاغ اننه بیلدیکی کبی حاصل اولان یاغ دخی قاین و فنا چمیش و اشجو افت محصول سنه سنه ده وقوعبولمش اولدیکنک عند التحقیق اکلاشدینی بیان اولمشدر

لاجل الحاکمه ملترم مومی الیهامیه یازیلان جاب پوصله سیله بر وکیل ارسالیچون مالیه نظارت جلیله سنه تسطیر اولنان تذکره علیه اوزرنه مومی الیهامدن لیفورمانده افتدی بالذات و میخایلو چاقر طرفدن نیقولایک باسند مصدق و خزیه جلیله خانبندن دخی عزتلو جمال بک باتدکره

وکاله محکمه کباریه صورت ادعاری و دسترس اولدقلری عشر حاصلاتنک و کرک ذمت متابعینک مقداری اصل وکیل مومی الیهامدن صورلدقه سنوی اون یدی یوک اوتوز ایکی بیک بشیوز غروش و ایکی یوز یکریمی بشیک قیه روغن زیت بدل ایه و بدل تقدی ایکی و بدل عینی بر تقسیطده ادا ایدلک شرطیه واردات مذکوره بی سکسان اتی ویدی سنه زینه محسوباً درعیده ایدرک سکسان اتی سنه سی تقاسیطندن ذمتلری قالمیوب سکسان یدی سنه سی بدل تقدیسنک صوک تقسیطی اولان سکر یوک التمش اتی بیک ایکی یوز الی غروش ایه بدل عیندن وقوعبولان تسلیاتدن و رسائنه عامریه حواله اولنان اوتوز بیک قیه دن ماعدا یوز یکریمی بیک قیه روغن زیت ذمتلری قالمش و بری سنه لک حاصلات عشریه سی اون درت بیک قطار روغن زیت باغ اولمش ایسه ده عرض حالرنده محر اولدینی وجهله ایکنجی سنه بالقانلرده حریق وقوعندن و محال سارده دخی پیدا اولان قورد سببیه دانه رک حین تعصیرنده حاصل اولان روغن جزینک ایشه یرامیه جق درجه ده ظهور ایتسندن ناشی حاصلات واقعه مصارفه تقابل ایتیه جک درجه ده محووه با اوله رق دسترس اوله بیلدکلی واردات عشریه درت بش بیک قطاردن عبارت بولندینی و بو یوزدن کلیتو ضرر و زیانه دوچار اولدقلری جهته اعشار مذکوره بدلندن مناسب مقدارینک تزیلی ادا و جمال بک دخی جوابنده مومی الیهامک ویردکلی اوج قطعه سننده سنن اوله رق درعیده ایتش اولدقلری اعشار مذکوره بدلی اولان اوتوز درت یوک التمش اوج بیک غروش ایه درتیوزاللی بیک قیه روغن زیتی تقاسیط مبسوطه ایه ادا ایتک و بر کونه سبب ارائه سیله ضرر وزیان و کرک

بدلدن تزیل ادا ایتامک و تقاسیطک دخولنده ویریه جک مبالغ و یاغی تأخیره صلاحیتلری اولماق و بدل تقدیدن تقاسیطدن مرور ایده جک ایام ایچون کیسه سی بیک اچهدن گذشته ویرلمک شرائطنک مندرج بولنسی و علی الخصوص بومقوله ضرر وزیان دعوازی مواداربعه احکامنه توافق ایتدیکه شایان قبول اوله میه جغی جهته نظاماً و قاعده ملترم مومی الیهامک ذمتلری توقیف و تأخیره صلاحیتلری اولمیدیکدن سالف الذکر سکر یوک اوتوز ایکی بیک بشیوز غروش کیسه سی بیک اچهدن مع فائض تقدی و یوز یکریمی بیک قیه روغن زیتک عیناً تحصیلی طلبنده بولندینی بیان و انبا و مومی الیهامک سالف الذکر سندلری صورت مصدقه سی ابراز و اعطا ایتشد

اشبو صورتلر لدی المطالع خلاصه مألری میر مومی الیهک افاده سی مؤید بولمشدر بونک اوزرینه دها بر دیه جکلی اولوب اولمیدینی مومی الیهامدن سؤال اولندقه افادات مبسوطه زندن بشقه بر افاده نری اولمیدینی بیان ایتلدرد تفصیلات مبسوطیه نظراً ایجابی لدی المذاکره مومی الیهامک بالاده محرر سندلرنده بر کونه سبب ارائه سیله ضرر وزیان ادا ایتامک و هیچ بر سیله بدلدن تزیل ادا سنه و یاخود تقسیطلرک تأخیرینه اصلاً صلاحیتلری اولماق شرائطنک مندرج بولندینی کبی ملترملرک درعیده ایتدکلی التزامدن طولای خزیه جلیله علیهنه اقامه ایده جکلی ضرر و زیان دعوازینک حسب القانون مواد اربعه دن برینه مستند اولمسی لازم کلوب مواد اربعه احکامی دخی بر محله محاربه وقوی و یا بر باغی ظهوریه و یاخود بیوک بر اختلال و عصیان حدوئیه اداره محلیه قطع و سکت کلسی و یا بر محک محصولات

کاملاً نحو اولماق کبی فوق العاده بر حالک ظهور ایتسی و یاخود بعد الاحاله بعض وارداتک با اراده سنیه کلیاً رفعی و یاخود حین احالده اولان تعرفه نک تغییریه بعض رسومات مقدارینک تزیل اولنسی و یا حکومت محلیه طرفندن ناجیا بر ممانعت وقوعیه ملترمین بالضروره وارداته دسترس اوله مامسی ماده لرندن عبارت بولنسنه و تحقیقات محلیه نظراً سالف الذکر یتش یدی سنه سی حاصلات سابقه نسبتله از اولمش ایسه ده مومی الیهامک ادعاری کبی مصارفه تقابل ایده جک و مواد اربعه ده کوسترلیدیکی وجهله بدلدن تزیلات اجراسی ادعاسنه حق و صلاحیت ویره جک درجه ده یعنی کاملاً نحو و تلف اولمیدینی اکلاشلیمسنه و زیتون اعشارینک اوتدنبرو سنن اوله رق ازام و حاله سی بر سنه زیاده و بر سنه نقصان محصول ایتسندن نشأت ایدوب ملترم مومی الیهما بری سنه تماماً حاصلاتی اخذ ایدرک ادا ایتدکلی ضرر ایکنجی سنه یعنی محصول سنه سنه ده وقوعبولسنه بناء مومی الیهامک کرک مواد اربعه احکامی و کرک سندلرنده مندرج اولان شرائط ایجابیه بدل تقدی و عیندن ذمتلری توقیفه نظاماً حق و صلاحیتلری اولمیدیکدن و گذشته بخته کلنجه سکسان ایکی تاریخنده نشر اولنان اعشار نظامنامه سی موجبیه ملترملرک تقاسیط معینه سنه ایفا ایده مدکلی بدلات ایچون کیسه سی بش غروشدن گذشته النسی مسطور اولوب احکام قانونیه به مغایر اولان مقاولاتک ایسه قانو ناغیر معتبر بولنسی جهته ملترم مومی الیهامک سندلرنده کی گذشته حقنده اولان مقاوله به استناداً مومی الیه جمال بک بدل تقدی ایچون کیسه سی بیک اچهدن گذشته مطالبه سنه حتی اوله میوب شو قدرکه اشبو مقاوله نک ملترم

مومی الیهما نك تقسیطدن مرور ایدہ جك ایام
ایچون اساساً گذشتہ اعطاسنی قبول ایتدکاری
معلن اولدیغندن ساق الذکر صوك تقسیط اول
سکر یوك اتمش اتی بیک ایکی یوزاللی غروشك
برموجب نظام کیسه سی بش غروشدن مع گذشتہ
و بدل عیندن ترسانہ عامریہ حوالہ اولسان
اوتوز بیک قیہدن ماعدا ذمت متبایہ زری اولان
یوز یکریمی بیک قیہ روغن زیتک ملتزم مومی
ایله مادن تحصیلنه و اعلام خرجی اولان یوزده
ایکی بچقدن اوتوز طقوز بیک اتی یوزاللی بش
غروش متالك اچہ ایلہ تبلیغ و صورت خرجی
بولسان اوج بیاض مجیدینک حقسز چقان
طرفدن استیفا اولنقی اوزرہ مالیه خزینہ جلیله سندن
اخذینہ قرار ویریلہ رک صورت قرار طرفینہ تفہیم
اولندی

محاکات جزایہ دائرہ سندن ویریلان مضبطہ
صورتیدر

اطنہ دہ کائن قرہ طاش اسکله سندن حنطہ نقل ایتدکده
اولان لازیمہ ایحدی ضرب و قتل ایتش اولان
قبریللی خرہ لمبوس نام کسنہ حقندہ اجرا قلنان
تدقیقات نظامیہ بی متضمن اطنہ ولایتینک دیوان
احکام عدلیہ بی حوالہ یوریلان ۲۷ ربیع الآخر سنہ
۲۹۰ تاریخلی و یکریمی یدی نومرولی تحریراتیله
مجلس تمیز لوا و دیوان تمیز ولایت مضبطہ زری
و اوراق استنطاقیہ محاکات جزایہ دائرہ سندن
مطالعہ اولندی

اوراق مرقومہ مالارندہ سکسان طقوز سنہ سی
ر مضان شریفنک یکریمی سکرنجی کرنی ہووجه
اونیاتک قرہ طاش ناحیہ سی اسکله سندن بولنان
حنطہ سنی اوشاغی قبریللی مرقوم خرہ لمبوس
سفینہ بیہ نقل ایتدیرمکده مرقوم احمد دخی حماللی
ایتدکده ایکن خرہ لمبوس کوشک ایشلورسن دہ رک

داثر بیان معلومات ایدہ مالرینہ و متوفای مرقومک
عیسی محمد کتوردیکی علی بن اسعد و صالح بن حسین
و بالنجی اوغلی احمد و محمد بن شعبان و یازید نام کسنہ
دخی خرہ لمبوس متوفای مرقومی ضرب ایشلہ
اغزندن قان کلہ رک برطرفہ حرکت و قیام ایتدکسز
یکرمی بش کون صکرہ وفات ایلدیکنی مع القسم افادہ
و اخبار ایتلرینہ نظراً مرقوم خرہ لمبوسک تأویلی
واهی اولہ رق متوفای مرقومی ضرب ایلدیکسندہ
شبہ قالماش ایسہ دہ حال حیاتندہ طبیہ معاینہ
ایتدیرلیدی جہتلہ اثر ضربیدن وفاتی مشکوک قالمش
اولہ رقہ بوراسی حل و تمیز اولنقی اوزرہ اطنہ دہ بولنان
مشاہیر اطباءدن اوج نفر طبیب جلب اولنہ رق
استکناہ مسئلہ ایلدکده مرقوم احمدک حال حیاتندہ
معاینہ اولنمدی جہتلہ بوضربک تأثیریلہ وفات ایتدیکی
کسیریلہ میوب فقط بویلہ رضربک تأثیریلہ ضرربک
اغزندن قان کلہ رک وفات ایدہ بیلیمی محتمل ایدوکی
راپورط ایلہ در بیان اوشاغی اولدیغنی جہتلہ ضربک
تأثیری جہتی بر حکم و نتیجہ بیہ ایصال اولنہ مدیغنه
ومع مافیہ مجلس تمیز لوا مضبطہ سندن محرر اولدیغنی
وجہلہ یوز تیش طقوزنجی مادہ قانونیہ بیہ توفیقاً
خرہ لمبوسک برہفتہ حبس اولنمسی ضربک شدتہ
نظراً جزای کافی اولہ میہ جغنه مبنی مادہ مذکورہ
موجنبہ اتی ماہ مدتلہ حبس اولنمسی دیوان مذکور
مضبطہ سندن استشعار قلمشدر

محاکات جزایہ دائرہ سندن ویریلان
مضبطہ صورتیدر

طولجی سنجاغی داخلندہ کائن سنہ قضای پساپورت
مأموری انیکنوسی افندینک پساپورت اوطہ سندن اولان
صندیغنی ارقہ سندن قیروب دروندن اچہ سرقت
ایلیان عسا کر مضبطہ نفراتندن حسن نام کسنہ حقندہ
اجرا اولنان تدقیقات نظامیہ بی متضمن طونہ ولایتینک
وارد اولوب دیوان احکام عدلیہ بی حوالہ یوریلان
۱۴ ربیع الآخر سنہ ۲۹۰ تاریخلی و یوزدرت نومرولی
تحریراتیله دیوان تمیز ولایتدن مصدق مجلس تمیز
لوا مضبطہ سی و اوراق استنطاقیہ محاکات جزایہ
دائرہ سندن مطالعہ اولندی

اوراق مذکورہ مندرجاتندن سکدان طقوز سنہ سی
ایاولنک طقوزنجی جمعہ کونی مرقوم انیکنوسی افندی
تعطیل اولق ملابسہ سیلہ قضاء مذکور قارشوسندن
واقع توقریہ سنہ کیدوب فرداسی جمعہ ایراسی کونی
عودت ایلدیکسندہ اوطہ سندن اولان صندیغک
ارقہ سی قیلش و دروندن طقوز یوزاللی طقوز بچق
غروش پساپورت اچہ سی اتمش اولدیغندن و مرقوم
حسنندن شہا ایلدیکسندن اقتضاسنک اجراسنی ادعا ایتدی
اوزرینہ تدقیقات استنطاقیہ بیہ لدی الابتدار مرقوم
حسن فعل مذکور دہ مدخل وہ لوماتی کایا انکار ایتش
ایسہ دہ مضبطہ نفراتندن بوشناق عیدی مذکور صندیغدن
اچہ سرقت اولنمقدن ایکی کون صکرہ مرقوم

حسن ايله قومار ويناوب ياتنده اولان ايكيوز سكران غروشي اخدا تكله طيشار و كيدوب اون دقيقه دن صكره كلرك جيندن برپورتقال چيتاروب انچندن برفرانسز التوفى الديغنى و دروننده التون وازايمده نقتدر اولديغنى بيله ديكنى واشبو پاره زى نهدن اليورسن پساپورت مأمورينك پاره سى اولسون ديديكند پساپورت مأمورينك پاره سى اولسه بيله سندن لقردى چقميه جغنى بيلورم ديديكنى مع القسم منفرداً و مواجبه بيان و اخبار ايلسنه و مرقم حسن مقدم طولچيده ضبطيه نفراتندن اولديغنى و مجلس او طه سنده نوبجى بولنديغنى حالده مجلس مذکور حاصلات صنديغنىك مهرينى فك ايله اوچك بوقدر غروش سرقت ايلسنندن طولايي حقنده درت سنه كورك جزاسيله حكم اولمش و مؤخرأ سنه قصبه سنده اوستريالو پوحسانك بعض اشيا سنى سرقت ايلسى جهته سكرماه حبس جزاسى كورمش سابقه طاقدن بولمسنه نظراً مرقومك انكارى واهى اوله رق مأمور مومى اليهك اقچه سنك سارق اولديغنده شبهه قلامش اولديغندن مذکور طقوز يوز اللى طقوز بچق غروشك كندوسندن تضمينه برابر ايكيوز يكر منجى ماده قانونيه يه توفيقاً بش سنه مدله كور كه قونلى قرارلشديريله رق حكم مذکور كندوسنه تفهيم اولندقد سماع اعتباره شايدان اوليان بعض سوززى حاوى ويرمش اولديغنى ورفك كوندردليكي اشعار قلنشد

محاکات جزایه دائره سندن ویرلان
مضبطة صورتیدر

قنديه سنجاعنده واقع مالوز قضا سنده تابع بيرغو قريه لى يوركى استامانا كينك قاتلى و قريه مذكوره لى قسطندى ماندينايك ك جارجى اولان قنديه لى فيفاكى جعفر حقنده اجرا قلنان تدقيقات نظاميه و مرافعه شرعيه ي متضمن كريد ولايتك ديوان احكام عدليه وارد اولان ۱۵ صفر سنه ۹۰ تاريخلو و يكرمى بش نومرولى تحريته مجلس تميز لوانك ديوان تميز ولايتدن مصدق مضبطينى و اعلام شرعى و اوراق استنطاقيه محاکات جزایه دائره سنده مطالعه قلندى

اوراق نظاميه مندرجاتده سكران سكر سنه سى شهر رمضانك اون بشنجى چهارشنبه كونى ساعت اون بر راده زنده مرقومان يوركى و قسطندى كويلرته كتمك اوزره شهر دن حركته حانیه قپوسى خارجنده قبرستاندن مرور ايتدكلى ائنده برى راك و ديكرى راجل تصادف ايتدكلى ايكي مسلدن راك اولانك مركبى شرقى سولمكده اولان قسطنديك حيواننه چارپديغندن طولايي ميانه زنده تكون ايدن منازعه ده مسلم ينده بولنان دكنك ايله قسطندى يه اورمغه قسطندى دكنكى طوته رق ايكي سى بزدن حيواندن اينوب

طوتشد قارنده قسطندى مرقومى التبه المغله رفيق ديكر مسلم بچاقله قسطندى يى جرح ايتش و يوركى دخی جارج مرقومى بالتعقيب قبرستانه كردكارنده جارج مرقوم يوركى يى دخی يارماش اولديغى و مرقوملى طائماش ايسه زده جارحك اياغنده سياه جزمه و ماوى طون و ياننده بر كلب بولنديغى ادعا قلنسى و كشف و تشريح ايدلديكه قسطنديك ارقه سى قپورغه سنده اوچ جرحى و قاصغنده دخی حفيجه طرنق اثرى اولديغى و يوركينك دخی تپه سنده بر و كوكسك صاغ طرفنده ايكي وصاغ قولنده و قپورغهك كيكند و وصول الى اوستنده وصاغ قپورغه سنده بر جرحلى اولوب جرايح مذكوردن متأثراً يكرمى درت ساعت ظرفنده وفات ايتديكى راپورت ايله خبر و برلى ملبسه سيله تدقيقات استنطاقيه لى لى الابتدار مرقوم جعفر نوم مذكوره كندوسيله برادرى سليم تپه نام محله باغله مشغول اوله رق ديكر قنداشى صالح دخی ورود ايله ايشلر يى بتوروب سليم موديقو تعبير اولنور مركبه راكباً صالح ايله كندوسى راجلا شهره عودت ايلدكلى بيلان ايله قتل و جرح مذكوره مدخلنى انكار ايتش و قنداشى صالح دخی بوفاده يى تصديق ايتش ايسه ده پوله يانى مارخاكي مرقومان قسطندى و يوركى ايله طوتشمش اولان مسلك تخميناً اون بش يكرمى ياشلنده اولدقلى و يانلنده بياض مركب اوله رق برى رايى راك ديكرى راجل بولنديغنى برطاش آغىي محلدن كورديكى تقرير و برطام محبوسين انچنده مرقوم جعفرى تشخيص و تفريق ايله بوقول و ادعا سنده قسم ايتش و خريسي قضايي بويولا و كامله و خانوتو يولا و افروسي خريستاكى و پاوجاراك اوغلى ميخالى و قزى صوفيا ايله عايشه دخی قبرستان انچنده بياض عباي

لابس اولان آدمى ضرب ايدن شخص تخميناً يكرمى يكرمى بش ياشنده اورنه بويلا و بيقلى و سياه البسه اولوب ياننده سياه بشكلى بياض بر كلب بولنديغنى مع الحلف تذكر ايتش اولرينه واوروداكي بلال دخی مرقوم جعفرى شكل و شمائلنى بالتعريف برطام مجرمين ميانندن جعفرى تفريقله بياض عبا كيش اولان خريستيانك يعنى مقتولك جارجى مرقوم اولديغنى خبر ويرمسنه و مخبر مرقوملك تعريف ايتدكلى اشكال و شمائلك جمله سى جعفرده موجود بولمسنه و يوم مذكوره مرقومك البسه و جزمه سى سياه اولديغنى بالمعاينه اكلا سلسنه و برمنوال محرر مرقوم جعفرى برادرى سليم ايله باغدن عودتلازنده سليمك بياض مركبه راكب ايدوكى و جعفر پياده اوله رق يانلنده سياه بشكلى بياض بر كلب بولنديغنى تحقق ايتمسنه و قاتل جعفرى برادرى سليم اثنائى استنطاقنده حادثه مذكوره اخشامى اول جعفر ايله خانه زنده ياتديغنى افاده ايله مؤخرأ تحويل لسان ايدرك طشمرده بر مغازه ياتدقلى سويلوب قاتل ايله لى المواجبه سليمك اشبوافاده اخيره سى ايچون كندوسنى جعفر تكدير ايتديكند سليم قنداشنه خطاباً اى بيجاره اواخشام خانه مزى تحرى ايتشار ديمسنه و مجروح قسطندى كندوسنك جارجى مرقوم جعفر اولديغنى بالتشخيص درميان ايلسنه نظراً مرقوم جعفرى انكارى واهى اوله رق سليم ايله شهره كلورز ايكن ميانه زنده تكون ايدن منازعه ده مزبوران يوركى و قسطندى ايله طوتشوب قسطندى سلمى التبه الديقنده جعفر بچاقله قسطندى يى ارقه سندن جرح ايدرك قبرستانه طوغرى فرار ايتديكى و يوركى مرقومى لى التعقيب بچاقله يوركى يى دخی كوكسندن جرح ايلديكى متحقق اولديغندن جعفرى يوزيتش درنجى ماده قانونيه حكمه توفيقاً اون

دخی قبریس تصرفلغه امر و اشعار بیورلسنه قرار ویرلدی اولیاده امر و فرمان حضرت من له الامر کدر

محاکمات جزاییه دأره سندن ویریلان مضبطه صورتیدر

ترسانه عامره عمه سندن سواسده واقع حویک ایلی قضاسنه تابع قارلو قریلی عزیزک قاتلی اولان عمه مرقومه دن قربت حقنده اجرا قلنان تدقیقاتی مشعر دیوان جنایتک باذکره وارد اولان ۲۶ ربیع الاخر سنه ۱۲۹۰ تاریخلی مضبطه سی واوراق استنطاقیه مطالعه اولندی اوراق مذکوره مألزلنده سکسان طقوز سنه سی شعبانک اون ایکنجی صالی کونی مرقوم عزیز تیور فابریقه سنده چالشمقده ایکن چوی المی اوزره مرقوم اکسرجی قربتک بولندی محله کیدرک چوی طلب ایلدیکنده مرقوم قربت بکا بازار کرنی چشمده صو ویرمدک دیهرک ابتدا ایله کوکسندن قاقوب مؤخرأ دخی اوجاقدن قزغین تیوری الوب صاوورهرق اوموزندن جرح ایتسیله مرقوم عزیزک یکرمی درت کون صکره متأثرأ وفات ایتدیکی بیانیله ایجابک اجرامی قرنداشی اسماعیل طرفندن ادما اولنسی وکشف ایتدیرلده صاغ منکبی وجه قدامندن اوجی سوری وحقاق برالت ایله جرح اولنهرق جرح مذکور نازک بر محله اولدیغندن تشنج ایدوب یکرمی درت کون صکره وفاتی وقوعبولدیغنی راپورت ایله خبر ویرلسی جهتیله تدقیقات استنطاقیه لدی الابتدار مرقوم قربت یوم مذکوره کندوسی اکسر اعمالیه مشغول اولدیغنی حالده عزیزکله رک اکسر استیدی وکندوسی اصغایتمدیکی ملابسله عزیز اطانه لسان ایله اوراده بولنان چکیچی الوب اوزرینه هجوم ایلدیکنده لاجل المدافعه السنده بولنان قزغین تیوری قارشو طودیفندن

بش سنه مدته کورکه قونلسی و مجروح قسطندیک مصارف جراحیه و اجرت ایام معطله سنک دخی کدوسندن استحصالی استشعار قانمشدر اعلام شرعی مالی دخی مدعی اصیل و وکیل یناقو مدعی علیه جعفرک انکارینه مقارن تصدی ایلدیکی دعوایه اقامه ینه دن اظهار عجز ایدوب طالب تخلیف دخی اولماغله موجب مدعی اصیل و وکیل مرقوم دعوی مذکوره سیله مدعی علیه جعفره بلایینه معارضه دن منع اولدیغنی بیانندن عبارت اولوب بوصورنده انحصار وراثته شهادت ایدن شاهدز اصولی و جهله تزکیه اولنهرق ادای شهادت ایتشدر وچین توکیلده موکله تصریح اولنمش ایسه ورئه قتل طالب تخلیف اولدقلری حالده فیمابعد خصوص مذکور حقنده مدعی علیه جعفره بلایینه معارضه یه قادر اولیه جقلری جانب فتسوا خانه دن ظهر اعلام مزبوره اشارت اولنمشدر

مدلول اشعاره کوره قتل مذکورک اثنای منازعه ده بالتهور فوران غضبه من غیر تعد مرقوم جعفردن صدور ایتدیکی اخبارات و امارات موجوده ایله متین اولدیغنه و یوزتمش دردنجی ماده قانونیه نک فقره اولیسنده برکیمسه من غیر تعد بر شخصی اتلاف ایتش ایسه اون بش سنه مدته کورکه وضع اولنور دیو محرر بولندیغنه مبنی مرقوم جعفرک بو حکمه توفیقاً و تاریخ حبسی اولدیغنی اوراق وارده دن منضم اولان سکسان سکن سنه سی رمضانک اون طقوزنجی کونندن اعتبارأ امر تشهیری اون طقوزنجی ماده قانونیه ده مسطور قاعده یه بعدالتطبیق محلی قراری وجهله اون بش سنه مدته کورکه قونلی ایچون قبریسه اعزامی و مجروح قسطندیک مصارف جراحیه و اجرت ایام معطله سنک دخی کندوسندن تحصیلی خصوصلرینک ولایت مشارایه یه و مرقومک حین وصولنده اول وجهله کورکه وضعی جهتنک

چکیج بوشه کیدرک مرقوم عزیز اکلسیله تیور اوموزینه راست کلدیکنی افاده ایله عن قصد جرح ایتدیکی انکار ایلدیکی کبی تیورجی اوسته سی اوسکیان ایله بغوص دخی قضیه نک بروجه محرر وقوعنی مع القسم اخبار ایتلرینه وکوسه اوغلی علی و امام اوغلی الیاس نام کسندن دخی عزیزک استه دیکی اکسرلری قربت ویرمدیکندن عزیز الی اوزادوب اکسری الاجنی صبرده قربت اوجاقدن اولان قزغین تیوری الوب عزیزک صاغ اوموزینه صوقدیغنی و محمد اوسته دخی قربت چوی ویرماسندن طولانی عزیزک النده برشی اولدیغنی حالده هجوم ایدجه قربت دخی النده بولنان قزغین تیور ایله عزیز جرح ایلدیکنی مع الحلف سو یلدیکی کبی چوبان اوغلی علینک افاده سی دخی مرقومان علی والیاسک اخبارلری مرکزنده دأر بولندیغنی حالده چوبان اوغلی علی مؤخرأ تحویل لسان ایله اثنای جرحده اوراده بولنیوب بالکز عزیز تیوری اوموزندن چیقارارکن کوردیکنی مع القسم افاده ایتلسنه نظراً اخبارات مشروحه ده اطراد کوریه مامش وقربت طرفندن قصد وتعدی اولقسزین تیورک اوجی عزیزک اوموزینک برطرفندن کیروب دیگر طرفندن چیمسی معقول اولدیغنی کبی قربته اثر جرح اولماسنه وعزیزک النده کی چکیج بوشه کیدرک عزیزک اکلدیکی حالده ماده جرحک وقوعه کلسنه نظراً ماده قتلاک من غیر تعد مرقوم قربتدن صدورینه اعضادن ایکی ذاک و مخبر مرقوملردن کوسه اوغلی علی و امام اوغلی الیاس وقعه دن بر قاچ ماه صکره کلش اولدقلرندن وایکسینک افاده سنده دخی مبیایت کورندیکندن شایان قبول اوله مبوب قربت مدافعه النده کی تیوری سپر الیغنی حالده عزیزک چکیچی بوشه کیدرک قربت اوزرینه

میل ایتسیله عزیز مجروح اولدیغندن قربتک معافیتنه برذاتک وعزیزک قربته برکونه تعدیبی سبقت ایتدیکی مخبرلردن بغوص و اوسکیان طرفلرندن افاده وعزیزک النده برشی اولدیغنی حالده قربت وزرینه هجوم ایلدیکی محمد اوسته طرفندن درمیان اولنمش ایسه ده اره زنده دستکاه اولدیغنی حالده تپی دست اولهرق عزیزک هجوم ایتسی عقاله بعید اولدیغندن دیگر مخبرلرک عزیزک دستکاه اوزرنده اولان چکیچی الوب قربته حواله ایتدیکنه دأر اولان افاده زری مقرون صحت کورندیکی جهته قتل مزبورک مقابله وقوعنه دیگر برذاتک رأی ویردیکی و تدقیقات معروضه یه و طرفینک حین جرحده طوردیغنی موقعی تعیین ایچون رسمی اولهرق یایلان ورفه یه نظراً قربتک عزیزک قصدأ اوردیغنی ادله مقنعه ایله ثابت اوله مدیغنی کبی عزیزک النده کی چکیج بوشه کیدوب کندوسنک دخی میل ایتسیله قربتک سپر ایچون طودیغنی سوری و قزغین تیورک خطأ عزیزک اوموزینه صوقلسی ملحوظ اولوب بومشالو اختلاف ارا حاصل اولان مواد حقنده جزانک الک خفیف جهتی التزام اولنقی قاعده یه موافق اولدیغنه بناء قربتک قاتل مخطی اولدیغنه اعضادن برذاتک ذاهب اولدیغنی ویریلان شرحلردن استنباط اولنمشدر

تحقیقات جاریه یه نظراً قتل مذکورک مرقوم قربتدن مقابله صدور ایتدیکنه دأره جه اتفاق حاصل اولش و یوز سکسان طقوزنجی ماده ده باقالبه وقوعبولان قتل و جرح و ضرب فعللرینی ارتکاب ایدن کسه معذوردر و یوز طقساننجی ماده ده دخی معذوریقی متحقق اولان قاتل و جارج وضارب اوج ایدن اوج سنه یه قدر حبس اولنور دیو محرر بولندیغنه بناء مرقومک مادین مذکورین احکامنه توفیقاً و تاریخ توقیفی

اولان سکسان طقوز سنه سی رمضانک ایکنجی کوندن اعتباراً اوج سنه مدته حبس اولمسی خصوصنک ضبطیه نظارت بهیه سنه امر و اشعار بیورلسی تذکر اولندی اولبده امر و فرمان حضرت من له الامر کدر

تمیز حقوق دأره سندن ویریلان اعلام صورتیدر

تیورجی خاچیک ایله مهندس احمد بک یلنده اولان منازعه دأر غلطه موقع محکمه سندن ویریلان غره ربع الاول سنه ۲۹۰ تاریخی اعلامک تمیزینی مستدعی احمد بک اعطا ایلدیکی عرضحال تمیز حقوق دأره سنه حواله اولمغه طرفینک لایحه لریله برلشدر یله رک مطالعه اولندی

اعلام مذکورده مرقوم خاچیک احمد بک مجدداً انشا ایتدیردیکی خانه یه امر یله اعمال ایلدیکی تیور پارمقلق اثماتی اولان اون عدد لرای عثمانینک تحصیلنی استدعا و احمد بک مذکور پرمقلق کندوسنک امر یله یالاش ایسه ده اثماتی ابنیه قالفه سی طرفندن تأدیه اولسه جغنی انبا ایتسی اوزرینه خاچیک دخی ابنیه مذکور یه قالفه نک امر یله اعمال ایتدیکی سار تیورزک پاره سی قالفه دن الوب مذکور پرمقلق ایسه قالفه نک معلوماتی اولیه رق احمد بک امر یله یالیدیغندن قالفه یه مراجعه حق اولدیغنی تذکار و احمد بک پرمقلق اثماتنک قالفه طرفندن تسویه سی مقاوله لری اقتضاسندن بولندیغنی بیانیله اولکی سوزینی تکرار الیش و ابنیه قالفه سی دخی محکمه یه جلب و استیجواب اولندقه کندوسنک مقاوله سی تحتنده اولان تیورزی اعمال ایدوب اثماتی ایفا ایتدیکنی و مذکور پرمقلق مقاوله لری خارجنده اولوب احمد بک امر یله یالیدیغنی بیان ایدرک بونک اوزرینه احمد بک دخی افاده سابقه سندن نکول ایله بوبابده کی امرینی

انکار الیش اولسیله کیفیت لدی المذاکره مذکور پرمقلق احمد بک امر یله یالیدیغنی اقرار مسبقه قالفه نک افاده و مقاوله سندن مستبان اولدیغنه مبنی مبلغ مدعانک احمد بکدن تحصیلنه قرار ویرادیکی محرر در

احمد بک جمادی الاخر ۲۵ سنه ۲۹۰ تاریخی اعتراض لایحه سنده سائف البیان امرینک اصل و اساسی اولوب پرمقلق اثماتی قالفه جانبندن تسویه اولمقی یلندره منعقد مقاوله نامه نک ایکنجی و اوچنجی بندلرنده مصرح اولدیغنی وحتی خانه نک ختام انشاسنده مصارفندن طولانی کیسه نک الاجنی ظهور ایدرایسه ایفا ایدیه جکنه دأر قالفه دن سند الیدیغنی و مذکور مقاوله نامه وسندی محکمه یه اراز ایتش ایسه ده خصمنه تصاحب اولندیغنی بیانیله اعلامک تقضی مرقدر

خاچیک ۲ جمادی الاخر سنه ۲۹۰ تاریخی جواب لایحه سنده دخی احمد بک ایله ابنیه قالفه سی یلنده منعقد بر مقاوله نک کندوسنه حکم و تأثیری اوله میه جغنی و احمد بک پرمقلق کندوسنه امر و سپارش ایتدیکی وقت اثماتنک قالفه طرفندن تأدیه اولنه جغنی سولباش و مقاوله دن دخی خبر و برامش اولسیله قالفه دن ارائلق ادعاسنده حتی اوله میه جغنی بیانیله اعلامک تصدیق مسطور در

احمد بک باسنده صدق و کیلی برادری اسماعیل راشد بک و مدعی علیه خاچیک ۵ رجب سنه ۲۹۰ تاریخنده دأره یه کلرله هربری لایحه سی مندرجاتنی تکرار ایتدیکندن لایحه اعتراضیه ده محرر مقاوله نامه وسند اسماعیل بکدن اخذ و مطالعه اولندقدن صکره کیفیت لدی المذاکره مقاوله نامه نک ایکنجی و اوچنجی بندلرنده اگرچه بعض پرمقلق و قتاد مثللو شیارک امر اعمالی قالفه یه عائد اولدیغنی محرر بولنش ایسه ده بوشرطک خاچیکک اعمال ایلدیکی تیور پرمقلق اثماتنک تأدیه سی قالفه یه راجع اوله جغنه

دأر بر حکم و معنای شامل اولدیغنی کی مدعاه اولان پرمقلقک سندن کوردن صکره امر و سپارش قلندیغنی دخی تدقیقات واقعهدن مستبان اولش و شوالده احمد بک اعتراضات مشروحه سی اسباب نقضیه دن کور یله مامش اولمغه اعلام مذکور بالتصدیق حکمنک اجراسنه و فقط احمد بک استدیکی حالده مبلغ مزبوری مرقوم قالفه دن ارامسنه و اعلام و تبلیغ خرجی اولان اون غروش ایله اوج بیاض مجیدینک احمد بکه رجوع ایلک اوزره خاچیکدن استیفاسنه قرار ویرلدی و صورت قرار طرفینه تفهیم اولندی

محاکات جزایه دأره سندن ویریلان مضبطه صورتیدر

شهر زور سنجاغنه ملحق کتباک قریه سی اهالیسندن عبدالفتاحک قاتلی دینیلان عبدالرحمن حقنده اجرا قلنان تدقیقات نظامیه و مرافعه شرعیه یی متضمن بغداد ولایتنک وارد اولوب دیوان احکام عدلیه یه حواله بیوریلان ۲۳ ربع الاخر سنه ۲۹۰ تاریخی واللی الی نومرولی تحریر ایله دیوان تمیز ولایتدن مصدق مجلس تمیز لوا مضبطه سی و اعلام شرعی و اوراق استنطاقیه محاکات جزایه دأره سنده مطالعه اولندی

اوراق مرقومه مألرندره سکسان برسنه سی محرم نک التیمی صالی کونی وقت ظهرده مزبور عبدالفتاحک اوکوززی مقدم عبدالرحمانک بقیه سنه کیمرسنندن طولانی میانه زنده تحبث ایدن منازعه ده عبدالرحمن بندن بولنان خنجر یله عبدالفتاحی صاغ ایکنجی اوزرندن ضرب و جرح ایدرک مرقومک متأثراً وفات ایلدیکی ادعا قلمسی و بوضورت غسال جانبندن دخی با ورقه مختومه تصدیق قلمسی اوزرینه تدقیقات استنطاقیه لدی الابتدار مقدم عبدالرحمن فعل قتلک بر موجب ادعا کندوسندن صدورینی

ابتدای استیجوابنده اقرار ایتش ایکن مجلس مییز لواده بواعترافتی بعض مرتبه اکراهه بنا ایلهرک انکاره تصدی الیش ایسه ده کرکوکلی علی اغا و اتکچی رمضان و منلا مصطفی نام شخصلر مقدم عبدالرحمانک اولوجه یله سبق اقرارینی و برکونه معامله اکراهیه کورمیدیکنی مع القسم و جاهاً اخبار ایتلرینه و نزدنده بولنان خنجرده اثر دم مشاهده اولسنه نظراً تأویلی واهی اوله رق عبدالفتاحی فوران غصبه من غیر تعدد جرح و اتلاف ایلدیکی تحق ایتش اولدیغندن یوز یتش دردینی ماده قانونیه نک فقره اولسنه توفیقاً اون بش سنه مدته کورک قونلسی استشار قلنشددر

اعلام شرعی مالی دخی مدعی محمد و کلناز و شهناز و زندان مدعی علیه عبدالرحمانک انکارینه مقارن تصدی ایلدکلی دعوان رضایله مجناً فارغ اولوب خصوص مذکوره و حصراً مورثلری مقتول عبدالفتاحک دم و دینه متعلقه دعوان مدعی علیه مزبورک قبوانی حاوی ذمتنی بالوراثه ابرا و اسقاط ایلدکلینی بیاندن عبارت اولوب بوصورته ورته قتل فیما بعد خصوص مذکور حقنده مدعی علیه مزبور دن سنه دعواسنه قادر اوله میه جقاری جانب فتواخانه دن ظهر اعلامه تحریر و اشارت اولنشددر

مال اشعاره نظراً قتل مذکورک اثنای منازعه ده فوران غصبه من غیر تعدد مرقوم عبدالرحماندن صدوری اخبار اولنان اقراری و اماره ایله تحق ایتش اولدیغنه و مذکور یوز یتش دردینی ماده قانونیه ده برکیسه من غیر تعدد بر شخصی اتلاف ایتش ایسه اون بش سنه مدته کورک قونلور دیو محرر بولندیغنه بناء مرقوم عبدالرحمانک بر حکمه توفیقاً و تاریخ توقیفی اولدیغنی اوراق مرقومه کوستریلان سکسان برسنه سی محرم نک یکرمی برنی کوندن اعتباراً امر کشهیری اون طقوزنی ماده قانونیه ده

محرز اصواء بعد التوفيق اون بش سنه مدته بغداد ده
کور که قولسی خصوصک ولایت مشار الیهایه
امروا شعار بیورلسنه قرار ویرلدی

محاکات جزایه دأره سندن ویریلان
اعلام صورتیدر

منتشا سنجاغنده راقع طواسی قضاسنه تابع طوغان
قریه لی خطیب اوغلی مختار محمدک لیل و مسلماً
خانه سنی باصوب کندیسینی شدیداً ضرب و برطاق
نقوداشیاسنی غصب ایتش اولان کساندن اخذ و گرفت
اولنان قریه مرقومه لی کوک اسماعیل اوغلی حسن
ایله رفیق لری دینیلان جاموس اوغلی سلیمان وجعفر
احمد اوغلی اسماعیل حقارنده اجراقلنان تدقیقاتی
حاوی آیدن ولایتک دیوان احکام عدلیه یه
حواله بیوریلان ۲۴ جادی الاولی سنه ۱۲۹۰ تاریخی
والتمش یدی نومرولی تحریراتیه دیوان تمیز
ولایتدن مصدق بالاسی فذلکله لی مجلس تمیز
اوا و مجلس دعاوی قضا مضبطه لری و اوراق
استنطاقیه محاکات جزایه دأره سنده مطالعه قلندی
اوراق مرقومه مالارنده سکسان سکر سنه سی
رمضانک اوچنجی جمعه ایرتسی اخشامی ساعت
بر یحیی راده زنده مرقوم حسن سکر نقر رفیقیه
خانه سنی باصوب اون التی یک یدی یوز سکسان
برغرو شلق نقوداشیاسنی غصب و کندوسنی ضرب
ایتدکلرینی وقریه مختاری بولنق ملاسه سیله منافع
عمومیه اقیچه زینی تحصیله اقدام ایتسندن طولابی
بولاردن جاموس اوغلی سلیمانک مقدم لری کندیسنه
قتل قصدیه تشهیر سلاح ایلدیکنی و سالف الذکر
سکر نقر کسانک اله کتورملری ضمنده وقوع بولان
اشعار اوزرینه ایدن متصرفاتی جانبدن جعفر
احمد اوغلی اسماعیلک قره صونا حیه سنده طوتلدینتی
بالاستماع ناحیه مذکوره یه وارمسیله مرقوم اسماعیل
ائتای محاکمه ده نقود و اموال مسروقیه یی جاموس اوغلی

سلیمانک تحریک و تشویق اوزرینه حسن دخی
برابر اولدینتی حالد غصب ایلدکلرینی اقرار ایدوب
حتی اموال مقصوبه دن یدنده موجود اولان بر عدد
تفنیکی بامعرفت مجلس استرداد اولنهرق کندیسنه
ویرادیکنی بالیمان باقیسک دخی عیاً و یا بدلا
یا تحصیل طرفه اعطاسی و مرقوم سلیمانک تشهیر
سلاحه جرائنی اثباته مقتدر بولندیغندن اذن طولابی
محاکمه لریک بشقه جه اجراسی مرقوم مختار محمد
طرفندن ادعا قلمسی اوزرینه تدقیقات استنطاقیه یه
لدی الابتدار مرقوم حسن مزبور اسماعیل و سار
یدی نفر اشخاص ایله برلکده مدعی مرقومک
ایلا خانه سنی باصوب نقود و اشیاسنی غصب
ایتدکلرینی مجلس دعاوی قضا ده اقرار ایتش ایکن
(بقیه سی صکره)

اِغْلَان

درون نام خاتونک ۱۷ صفر سنه ۸۷ تاریخی
بر قطعه اعلام شرعی موجبجه بفچوان شراندی
ذمتنده مطلوبی اولان مالکک تسویه سیچون
مدیونک تصرفنده بولنان قاسم پاشاده واقع بر
قطعه بوستانک بری سمیدجی و دیکری اعلیجی
اولهرق ایکی فرون ایله اون اوطه بی شامل بولنان
ملکی بودن مقدم مزاده ویریلرک اوتوز اوچ
یک غروشه چیتمش و شهر رمضان شریفک
اون ایکنجی کونی مزایده سی قرار ی و بریلوب
طالبنه فراغی مقرر بولمش اولدیغندن وقت
مذکوره قدر زیاده طالب اولنلرک دیوان احکام
عدلیه اجرا جمعیتنه مراجعت ایللری اعلان
اولنور